

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XX. Testimonium S. Epiphanij.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

culato corpori Domini tui, fide plenissima, certus quod agnus ipsum integrum comedis. Ignis immortalis sunt mysteria Christi, noli temere ea perscrutari, ne in ipsorum perscrutations comburaris. Hæc ille. Et infra: *Hoc sane excedit omnem admirationem, omnem mentem, omnemq; sermonem, quod fecit nobis Unigenitus Filius Christus Saluator noster. Ignem, & spiritum manducandum, ac bibendum praestitit nobis, corp scilicet, & sanguinem suum. Hæc ille.*

Ad hoc testimonium neque respondent aduersarij, neque respondere aliquid possunt. Nam difficultas ad credendum mysterij inscrutabilitas, & miraculum superas omnem mentem, (quæ tria in hoc Sacramento prædicat sanctus Ephrem clarissimè testantur, non esse Eucharistiam panem materiem, qui tantum significet corpus Domini, sed esse ipsum verum Domini corpus. Adde, quod Ephrem facit antithesam quandam: dicit enim mirabile fuisse, quod Angeli, qui sunt incorporei, in corpore assumpto manducarint cibos corporales: sed mirabilius esse, quod nos homines corpori, & lumen comedamus ignem, & spiritum, id est, corpus celeste Christi. At nulla esset admirationis causa, si tantum in signo corporis Christi manducaremus; immo mirabilior multo fuisset Angelorum manducatio, quam nostra sit.

C A P V T X X.

Testimonium S. Epiphani.

SANCTVS EPIPHANIVS omnium superiorum æqualis (nam etiam Athanasio familiariter fuit, & cet omnibus superuixerit) in Ancorato, circa medium, cum docere vellat, hominem verè esse identum ad imaginem Dei, licet nō facile appareat, in quo consistat similitudo inter Deum, & hominem, cum homo sit corporalis, finitus, mutabilis; Deus incorporalis, immensus, immutabilis, dicit, multa esse eiusmodi, quæ aliud sunt, aliud videntur esse; & ponit exemplum de Eucharistia, quæ verè est corpus Christi, & ramē nihil minus esse videtur; cum id, quod appareat exterius, sit rotundum, & insensibile, & proinde valde dissimile corpori Christi: *Videmus, inquit, quod accepit Salvator in manus suas, veluti Euangelista habet, quod surrexit à cœna, & accepit bac, & cum gratias egisset, dixit; Hoc meum*

est. Hoc & Hoc. Et videmus quod non aquale est, neq; simile, non imagini in carne, non inuisibili Destati, non lineamentis membrorum: hoc enim est rotunda forma, & insensibile, quantum ad potentiam. Et voluit per gratiam dicere; Hoc meum est, Hoc & Hoc: & nemo non fidei habet sermoni; qui enim non credit esse ipsum verum, excidit a gratia, & salute. Hæc ille.

Hic sanè locus omnino conuincit. Nam quod dicit Epiphanius, oportere credere esse ipsum verum, excludit tropos, & præsertim cùm addat excidere a salute, qui id non credunt. Quod etiam addit esse id credendum, licet sensus repugnat, apertissimè testatur non loqui cum de significatione, sed de re ipsa: nam sensus non modò non repugnant, sed etiam iuant, ut credamus Sacramentum significare.

Respondent aduersarij, ac præcipue Petrus Martyr in lib. contra Gardinerum, obiecto 186. Epiphanium loqui de representatione corporis Domini, ac velle dicere, credendum esse panem Eucharistiae verè esse corpus Christi representatiuè, licet nulla appareat in pane similitudo cū corpore Christi. Id verò ex eo potissimum colligit, quod Epiphanius panem dicit esse corpus Christi: affirmat enim id, quod Dominus accipit in manus, quodque ait rotundum, & insensibile esse; illud, inquam, ipsum vocatum a Christo per gratiam corpus ipsius. Panis autem rotundus, & insensibilis, id est, panis verus, ac materialis non potest esse corpus Domini, nisi representatiuè.

SED hæc solutio facile refelli potest dupli ratione. PRIMO, quia Epiphanius non sine causa mutauit conclusionem in comparatione Eucharistiae cum homine. Nam cùm dixisset hominem esse imaginem Dei, licet non appareat similitudo inter Deum, & hominem: debuisse dicere consequenter, panem Eucharistiae esse imaginem corporis Domini, licet non appareat similitudo inter panem, & corpus Domini; id enim requiri videbatur ratio exempli allati. At non ita dixit, sed ait panem Eucharistiae esse ipsum verum corpus Domini. Et certè non dixisset de homine esse ipsum verum Deum, sicut dixit de Eucharistia, esse ipsum verum corpus, & tamen non minus homo est verus Deus representatiuè, cùm sit eius imago, quam sit per aduersarios Eucharistia verum corpus representatiuè. Quorsum igitur hæc muratio, nisi ut intelligeremus,

geremus, non conferri Eucharistiam, ut imaginem cum ho-
mine; sed Eucharistiam, quatenus in ea verè continetur cor-
pus Domini?

S E C V N D O, refellitur solutio aduersariorum, quia si Epiphanius vellet solum dicere panem Eucharistiae esse corpus Domini representatiū, exemplum ipsius nihil valeret. Nam Sacraenta signa quidem sunt representantia rem aliquam sacram, sed non representant ratione figuræ, aut formæ, ut colorum, quemadmodum representant imagines depictæ vel sculptæ; sed representant partim ut signa ad placitum, partim ob analogiam naturalem inter effectus ipsorum signorum, & rei significatæ, quemadmodum etiam verba sunt signa rerum, & hedera signum est vini. Quare nihil est nouum, vel mirum, quod Sacramentum Eucharistiae representet Christum, licet non sit illi simile, vel æquale, quod signum, & formam: non enim representat ut imago. Et quod admodum stultus esset, qui miraretur, quomodo voces possint esse signa rerum, cum non sint illis in figura, vel colore, miles, vel magnitudine æquales: sic etiam stultus esset, qui miraretur, quomodo panis Eucharistiae possit Christum representare, cum non sit Christo æqualis, nec habeat lineamenta corporis Christi. Atqui Epiphanius adfert in medium, ut res mirabilem, & sola fide comprehensibilem, quod panis Eucharistiae dicatur verè esse corpus Christi, cum non sit illi similis, nec æqualis, nec referat vlla corporis illius lineamenta; non igitur Epiphanius loquitur de pane representante corpus Domini, sed de ipso vero corpore, quod verè adest in illa sacra hostia, quam oculis videmus, & manibus tangimus, licet sensus omnes reclament.

Ad argumentum autem Petri Martyris, **R E S P O N D E O**. Epiphanius nunquam dixisse panem materialem esse corpus Christi; sed tantum dixisse, Dominum accepto pane, gratias egisse, id est, consecrasse eum panem; atque Eucharistiam fecisse, & tunc demum dixisse: *Hoc est corpus meum*, vbi promen, *Hoc*, non demonstrat panem, sed id quod in manibus Domini erat, siue quod sub speciebus illis continebatur, ut supra diximus: quod quidem antea fuerat panis, sed prolixi illis verbis, corpus Domini erat.

A T, inquit Petrus Martyr, de ea re, quam vocat rotundam, & insensibilem, de eadem pronunciat quod sit corpus De-

rimi. Illa autem res panis sine dubio est. R E S P O N D E O , res illa rotunda, & insensibilis non est panis eo loco, sed aliquid speciem panis præ se ferens: vult enim Epiphanius dicere, sacram Eucharistiam verè esse corpus Domini, licet exteriori forma, ac specie rotunda, & insensibilis sit, vt panis merus videatur. Immò in hoc consistit (vt diximus) tota sententia Epiphanij, quod videlicet credere debeamus, verū Domini corpus nos in Sacramento Eucharistię percipere, cùm tamen nihil videamus, nisi panis materialis accidentia.

C A P V T X X I .

Q V I N T A ætas Ecclesiæ ab anno Domini CD. ad D.

T e s t i m o n i u m G a u d e n t i j .

BEATVS Episcopus GAVDENTIVS ad initium QVINTI seculi floruit, vt patet ex serm. ipsius dedicatione basilicæ Concilij Martyrum. Vbi dicit, se accepisse reliquias quasdam à duabus necibus S. Basilij; & ante paucos annos refert inuēta fuisse corpora sanctorum Geruasij, & Prothasij à S. Ambrosio. Hic igitur insignis auctor tract. 2. de Exodo, dicit, in veteri Testamēto Agnum Paschalem non fuisse eundem omnium Iudæorū, sed multos, siquidem vnaquæque familia suum occidebat, & manducabat: ille enim agnus figura erat, non veritas. At in nostra veritate vnum, & eundem in omnibus Ecclesiis immolari, & manducari affirmat. Quæ comparatio manifestè indicat in nostro Sacramento verum Christi corpus in scipso, non in solo symbolo adeste: alioqui etiam Iudæi, vnu & eundem agnum habuissent, cùm omnes illi eorum agnivnum Christum significarent.

DE INDE idem auctor sic loquitur: Ipse naturarum Creator, & Dominus, qui producit de terra panem, de pane rursum (quia & potest, & promisit,) efficit proprium corpus: et qui de aqua & cibis fecit, & de vino sanguinem suum. Et infrā: O altissimo diuinitati sapientiae, & scientiae Dei. Pascha est Domini, hoc est, transitus Domini. Ne terrenum putes, quod cœlestis effatum est, per eum, qui transit in illud, & fecit illud suum corpus, & sanguinem. Et infrā: Quod annuntiatum est credas, quia quod